

File

REPUBLIKA Y'U RWANDA
MINISITERI Y'UBUBANYI N'AMAHANGA
N'UBUTWERERANE
B.P. 179 KIGALI
Cabinet du Ministre

Kigali, 10 MARS 1988
N° 134 /06.01/CAB

A traiter par
Date entrée : 12/03/88
N° Classement : 592-1-91

Nyakubahwa Perezida wa Repubulika
y'u Rwanda
KIGALI

20/3/88
Copie
Dep. Tanke
(Am)
W

IMPAMVU:

Imyanzuro y'inama y'abahagarariye
u Rwanda mu mahanga

Nyakubahwa Perezida wa Repubulika,

Nejewe no kubagezaho ku mugereka w'uru
rwandiko imyanzuro mu ncamake yavuye mu nama y'abahagarariye u Rwanda mu
mahanga yabereye muri Hôtel UMUBANO kuva kuwa 23 Gashyantare kugeza kuri 03
Werurwe 1998.

Raporo ikubiyemo imirimo yose y'iyo nama
iriho itegurwa ubu (Publication des Actes), izabageraho na yo, mu gihe gikwiye.

Ku birebana n'ibikubiye muri iyi myanzuro
tubashyikirije, twabasabaga Nyakubahwa Perezida, hamwe n'abo tugeneye copy bose,
kudufasha kugira ngo ibiyikubiyemo bishyirwe mu bikorwa.

Tubaye tubashimiye Nyakubahwa Perezida
wa Repubulika kandi mugire amahoro.

Dr. Anastase GASANA
Minisitiri w'Ububanyi n'Amahanga
n'Ubutwererane



Bimeneshejwe:

- * Nyakubahwa Visi-Perezida wa Repubulika akaba na Minisitiri w'Ingabo
- * Nyakubahwa Perezida w'Inteko Ishinga Amategeko
- * Nyakubahwa Minisitiri w'Intebe
- * Nyakubahwa Perezida w'Urukiko rw'Ikirenga
- * Nyakubahwa Minisitiri na Sekereteri wa Leta (BOSE)
KIGALI
- * Bwana Ambasaderi w'u Rwanda mu mahanga (BOSE)

**Raporo ku nama y'Abahagarariye u Rwanda mu mahanga yabereye i Kigali
kuva kuwa 23 Gashyantare kugeza kuwa 03 Werurwe 1998.**

I. INTANGIRIRO

- ◆ Kuva kuwa 23 Gashyantare kugera kuwa 03 Werurwe 1998, Abahagarariye u Rwanda mu mahanga bahuriye i KIGALI mu nama yari yatumijwe na Nyakubahwa Perezida wa Repubulika.
- ◆ Iyo nama ikaba yari ibaye nyuma y'imyaka itatu Leta y'Ubumwe ibohereje kuyiserukira mu mahanga.
- ◆ Byabaye ngombwa ko abo badipolomate bajya hamwe kugira ngo:
 - * bungurane inama ku mitunganirize y'imirimo bashinzwe, bananoze imikoranire yabo na Minisiteri y'Ububanyi n'Amahanga n'Ubutwemerane.
 - * Begere inzego z'ubuyobozi bw'igihugu, kugira ngo barusheho gusobanukirwa ku miterere y'ibibazo igihugu cyagiye gihura na byo no ku ngamba zafashwe mu kubikemura.
- ◆ Ni yo mpamvu, mu bari bagize iyo nama, byari ngombwa ko abakozi b'inzego zo hejuru muri Minisiteri y'Ububanyi n'Amahanga n'Ubutwemerane nabo bitabira iyo nama.

II. UKO IYI NAMA YARI ITEYE

Iyi nama yari ikubiyemo ibice bine:

- * Inzego za Leta n'uko zikorana
- * Ibiganiro byatanzwe n'izindi Minisiteri
- * Imikorere ya MINAFFET
- * Ugusura ibikorwa bigamije umutekano, amajyambere n'Imibereho myiza y'abaturage.

III. IBIGANIRO BYATANZWE NI IBI BIKURIKIRA

A. INZEGO ZA LETA N'UKO ZIKORANA

1. Perezida w'Inteko Ishinga Amategeko:

Nyakubahwa Perezida w'Inteko Ishinga Amategeko yatanze ikiganiro cyerekeye: Uburyo amategeko y'u Rwanda aiyaho Uburyo Inteko Ishinga Amategeko, imenya kandi ikagenzura imikorere ya Leta. Muri icyo kiganiro Nyakubahwa Perezida w'Inteko Ishinga Amategeko yunganiwe na Perezida wa Komisiyo Ishinzwe ibyerekeye Ubukungu na Perezida wa Komisiyo y'Ububanyi n'Amahanga n'Ubutwererane.

2. Minisitiri w'Intebe

Nyakubahwa Minisitiri w'Intebe yatanze ikiganiro cyerekeye: « Amahame y'ihuzabikorwa bya Politiki ya Guverinoma n'uko ashyirwa mu bikorwa ».

3. Minisitiri w'Ubutabera

Minisitiri w'Ubutabera yatanze ikiganiro cyerekeye: « Ubutabera mu Rwanda n'iburanishwa ry'Imanza z'itsembabwoko n'itsembatsemba n'ibindi byaha byibasiye Inyoko Muntu ». Muri icyo kiganiro yunganiwe na Nyakubahwa Perezida w'Urukiko rw'Ikirenga na Prokireri Mukuru w'Urukiko rw'Ikirenga.

B. IBIGANIRO BYATANZWE N'IZINDI MINISITERI

Minisiteri zinyuranye zatanze ibiganiro mu nama y'abadipolomate ibiganiro byatanzwe n'ibi bikurikira:

1. Umutekano

Ikiganiro cyerekeye « Umutekano » cyatanzwe n'Umugaba w'Ingabo Muri icyo kiganiro, Umugaba w'Ingabo yunganiwe n'Umunyamabanga Mukuru wa Minisiteri y'Ubutegetsi bw'Igihugu, Amajyambere ya Komini no Gutuza Abantu hamwe n'Umunyamabanga Mukuru wa Minisiteri y'Ubutabera.

2. Ikiganiro kirebana n'Ubukungu bw'Igihugu

Iki kiganiro cyatanzwe na Nyakubahwa Minisitiri w'Imali n'Igenamigambi. Muri icyo kiganiro, Minisitiri yafashijwe na Nyakubahwa Minisitiri w'Ubuhinzi, Ubworozi, Ibidukikije n'Amajyambere y'Icyaro; yafashijwe kandi n'Umunyamabanga Mukuru wa Minisiteri y'Ubukorikori, Ubucukuzi bw'Amabuye y'agaciro n'Ubukerarugendo hamwe n'Umunyamabanga Mukuru wa Minisiteri y'Ubucuruzi, Inganda n'Amakoperative.

3. Ubuyobozi bw'igihugu

Ikiganiro kirebana n'lvugurura rya « Administration » y'u Rwanda n'imiyoborere myiza.

Icyo kiganiro cyatanzwe na Nyakubahwa Minisitiri w'Abakozi ba Leta n'Umurimo.

4. Itahuka ry'impunzi

Ikiganiro kirebana n'itahuka ry'impunzi n'isubizwa ryazo mu buzima busanzwe.

Icyo kiganiro cyatanzwe na Nyakubahwa Minisitiri muri Perezidansi ya Repbulika.

5. Imibereho myiza y'abaturage

Ikiganiro kirebana n'imibereho myiza y'abaturage.

Icyo kiganiro cyatanzwe na Nyakubahwa Minisitiri w'Umuryango, Uburinganire n'Imibereho myiza y'Abaturage.

Muri icyo kiganiro yafashijwe na Nyakubahwa Minisitiri w'Uburezi, Nyakubahwa Minisitiri w'Urubyiruko, Siporo no kwigisha Imyuga Iciriritse na Minisitiri w'Ubuzima.

6. Ibindi biganiro

Ibindi biganiro byatanzwe n'Abayobozi bakurikira:

- * Umuyobozi ushinzwe Ingengo y'Imari,
- * Umuyobozi ushinzwe Isanduku ya Leta (O.T.)
- * Umuyobozi ushinzwe Iperereza mu mahanga
- * Umuyobozi ushinzwe Abinjira n'Abasohoka.

C. IMIKORERE YA MINAFFET

Hatanzwe ibiganiro n'ibitekerezo ku mikorere ya Minisitiri y'Ububanyi n'Amahanga n'Ubutwererane.

Ibyo biganiro n'ibitekerezo byashyirwa mu byiciro bitatu:

Ibiganiro byatanzwe n'Abayobozi Bakuru ba Minisitiri y'Ububanyi n'Amahanga n'Ubutwererane hamwe n'umwe mu badipolomate:

Nyakubahwa Minisitiri w'Ububanyi n'Amahanga n'Ubutwererane yatanze ikiganiro cyerekeye: « Politiki nshya y'Ububanyi n'Amahanga n'Ubutwererane ».

Madamu Umunyamabanga Mukuru wa MINAFFET yatanze ikiganiro cyerekeye : « Imikoranire y'Inzego za Minisitiri n'Imikoranire ya MINAFFET na za Ambasade. »